

26.05.2023թ

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՈՐՈՇՈՒՄ թիվ 610883/09

ՎԱՐՉԱԿԱՆ ԻՐԱՎԱԽԱԽՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Արման Մնացականյանս, ուսումնասիրելով 23.05.2023 թվականի թիվ 610883 վարչական իրավախախտման վերաբերյալ արձանագրությունը, քննելով թիվ 610883 վարույթը և կից նյութերը,

ՊԱՐԶԵՑԻ

«ԷԴ-ՈՐՍ» ՈՐՍՈՐԴԻՆԵՐԻ ՄԻՈՒԹՅՈՒՆ ՀԿ-ի նախագահ Էդիկ Մանուկյանը (ՀՎՀՀ՝ 04226557, Արարատի մարզ, Նորաշեն, Նոր Խարբերդ 5 փող. 32) համաձայն «Հասարակական կազմակերպությունների մասին» ՀՀ օրենքի 24-րդ հոդվածի թերի է հրապարակել հասարակական կազմակերպության 2022 թվականի գործունեության մասին հաշվետվությունը, մասնավորապես Հաշվետվության 3-րդ կետում լրացված կանոնադրությամբ սահմանված գործունեության առարկայի և նպատակի վերաբերյալ տվալները ներկայացված են մասնակի: Լիազոր մարմնում առկա տեղեկատվության համաձայն հասարակական կազմակերպության կատարած ծախսերը գերազանցում են հաշվետվությամբ ներկայացված ծախսերի չափին, ինչի համար համաձայն Վարչական իրավախախտումների վերաբերյալ ՀՀ օրենսգրքի 169.26 հոդվածի 1-ին մասով հարուցվել է վարչական վարույթ:

Կողմին հայտնաբերելու նպատակով ձեռնարկվել են համապատասխան միջոցառումներ: Գործում առկա չէ առարկություն կամ բացատրություն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 244², 281 հոդվածներով և 282 հոդվածի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 169.26 հոդվածի 1-ին մասի Էդիկ Մանուկյանի նկատմամբ կիրառել վարչական տույժ՝ նախազգուշացում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա.ՄԱՅԱԿԱՆՅԱՆ

Համաձայն Վարչական իրավախախտումների վերաբերյալ ՀՀ օրենսգրքի 169.26 հոդվածի.

«Հասարակական կազմակերպությունների մասին» Հայաստանի Հանրապետության օրենքով նախատեսված պարտադիր՝ հրապարակման ենթակա հաշվետվությունը թերի հրապարակելը, օրենքով սահմանված կարգով և ժամկետներում չհրապարակելը՝ առաջացնում է նախազգուշացում հասարակական կազմակերպության իրավասու պաշտոնատար անձանց նկատմամբ:

Օրենքով սահմանված կարգով նախազգուշացվելուց հետո՝ 30 օրվա ընթացքում, հասարակական կազմակերպության կողմից Հայաստանի Հանրապետության կառավարությանն առընթեր պետական եկամուտների կոմիտեի պահանջը չկատարելը՝ առաջացնում է տուգանքի նշանակում հասարակական կազմակերպության իրավասու պաշտոնատար անձանց նկատմամբ՝ սահմանված նվազագույն աշխատավարձի հիսնապատիկի չափով:

Տուգանքի նշանակման օրվանից հետո՝ 30 օրվա ընթացքում, հասարակական կազմակերպության կողմից Հայաստանի Հանրապետության կառավարությանն առընթեր պետական եկամուտների կոմիտեի նախազգուշացման պահանջները չկատարելը կամ ոչ պատշաճ կատարելը՝ առաջացնում է տուգանքի նշանակում հասարակական կազմակերպության իրավասու պաշտոնատար անձանց նկատմամբ՝ սահմանված նվազագույն աշխատավարձի երկուհարյուրապատիկի չափով:

Մասնակցեցի գործի քննությանը, որոշման վերաբերյալ առարկություններ չունեմ _____
Ստացա որոշման պատճենը _____